

## ԱՂՕԹՔ՝ ՈՐԴԻՆՆ

Ճշմարիտ Լոյսէն՝ համագոյակից Լոյս, Աստուած՝ Աստուծմէ, Կեանք՝ Կեանքէն, դուն՝ Հօրը Խօսքը եւ Միածին Որդին, անժամանակ եւ անեղ. դուն՝ բոլորին Արարիչը, որ հաճեցար մարդ դառնալ, եւ Արարիչդ արարած՝ եղար մարմնով, Խօսքդ՝ մարմին եղար, անեղ՝ ստեղծուած, անմահ՝ մահկանացու, մեծըդ՝ փոքր, եւ ճոխ՝ աղքատ:

Դուն որ մշտագոյ եւ եւ սկիզբէն միշտ Հօրը հետ, բայց Կոյսէն ծնած մանուկ եղար, կատարելութեան հասցուր իմ մանկութիւնս, որովհետեւ դուն եւ բոլոր ինքնին անկատարները քու զօրութեամբդ լրացնողը եւ բոլոր նիւթեղէն եւ աննիւթ գոյութիւններու Արարիչը:

Դուն, որ Հօրը Իմաստութիւնն եւ, արժանի՝ ըրէ որ անունդ կրեմ՝ քու Ճշմարիտ իմաստութեամբդ, եւ հրամայէ՝ որ իմաստնանամ: Զիս կատարեալ դարձուր հոգիով, դուն՝ անճառելի՝ Կատարելութիւն: Թող իմ երիտասարդական զօրութիւնս նորոգուի, ինչպէս արծիւին երիտասարդութիւնը կը նորոգուի, որովհետեւ ասոր համար էր որ դուն նոր մարդ եղար: Թոյլ մի՛ տար որ իմ մէջս կռուին հին կերպարանքը եւ նմանութիւնը՝ հին մարդուն առիթը. եւ եթէ երբեք զայն իմ մէջս առի, դո՛ւրս շարտէ զայն, սուգի հագուստի պէս, բոլոր մարդոցմէ:

Դաստիարակէ՛ իմ խակ միտքս, սորվեցո՛ւր ինձի՝ քու հրամաններուդ համաձայն ապրիլ, եւ թոյլ մի՛ տար որ իմ սխալական եւ դիրար յանցանքի մէջ ինկող այս տարիքիս՝ տղայական փարքով, անկարգութեամբ ապրիմ, այլ՝ քու աստուածային հեգութեամբդ եւ քու մեծ եւ անբացատրելի գթութեամբդ՝ թող միշտ ինձի մօտիկ մնան քու շնորհքիդ պահպանիչ զգուշացումները, որպէսզի եւ քու ծառայ, փրկուիմ եւ ապրիմ: Եւ քու կամքիդ քաղցր սիրոյն հաճութեամբը թող հանդարտիմ մեր բնութեան յատուկ ընդդիմութիւններէն, հոգիի մարտերէն, ինչպէս նաեւ՝ հմուտ ըլլամ պատերազմելու քու օրինակովդ, որ նախամարտիկ եղար մեզի համար, եւ քու անդիմադրելի, ամենայաղթ զօրութեամբդ՝ մնամ անվնաս, առանց երբեք լքուելու քու կողմէդ:

Իմ հե՛տս եղիր, ո՛վ Տէր, քնացած ըլլամ թէ արթուն. տուն նստած ըլլամ թէ ճամբու մէջ, եւ շնորհէ՛ որ բոլոր իմ գործերս իրենց աւարտին հասցնեմ՝ քու կամքիդ համաձայն եւ քու փառքիդ համար: Թող իմ խօսքերուս առարկան քու Օրէնքդ ըլլայ, հոգիս թող քու պատուիրաններուդ վրայ խոկայ, եւ երիտասարդական զուարճութիւններուն փոխարէն՝ միայն քու սերդ բորբոքի իմ հոգիիս մէջ:

Նաեւ առատ արցո՛ւնք պարգեւէ ինձի, որպէսզի արժանի ըլլամ քու ներայութեանդ կանգնելու՝ իբրեւ կատարեալ աղօթող. եւ կարենամ լուալ իմ մեղքերուս աղտը եւ ամէն յանցանք որ գործեր եմ՝ քու պատուիրաններդ եւ սուրբ եւ ահաւոր երկիւղդ մոռնալուս իբրեւ հետեւանք, եւ ըլլամ մեղքի ամէն տիղմէ եւ աղտեղութենէ մաքրուած եւ զըտուած, իբրեւ քու ծառաներէդ մէկը:

Շնորհէ՛ ինձի, ո՛վ իմ Աստուածս Յիսուս, որ արժանի ըլլամ վայելուչ փառաբանութիւն  
մատուցանելու եւ արժանապէս օրհնելու քու մեծ Տէրութիւնդ, Հօրը եւ Սուրբ Հոգիիդ հետ  
միասին, այժմ եւ միշտ եւ յաւիտեանս յաւիտենից. Ամէն: